



南州書樓藏書  
徐湯殿整理  
編列 字 號

10901

平定猺匪述略序

欽惟我

國家敷文柔遠奮武抗稜行師之盛如舉炎火以燄飛蓬覆  
滄海以沃燂炭當之者無不糜爛潰散蓋自版泉涿鹿  
以來罕有倫匹

國初蕩流寇以大一統

聖祖平定三藩靖反側由是內地不復用兵

世宗平青海破羅卜藏丹津西藏遂安

高宗平准噶爾平回部空漠南北之地開疆二萬餘里又平大

正 狴述略

序

小金川平臺灣緬甸廓爾喀

仁宗平三省教匪我

皇上平安集延擒張格爾方略中備載始末其頒發於江浙

諸閣者留心掌故之士得叩閣以資考訂焉壬辰春猺

匪趙金隴狂悖肆逆廣東排猺亦接蹤蠢動小醜跳梁

旋就撲滅義隨 宮保盧厚山制府自永州至連興叅

軍中幕畫身在行間睹聞較切伏見

諭旨批答發踪指示不啻燭照數計諸將稟受成算相度機

宜步步兜截卒使阱鹿釜魚無一得脫半載以來凡所

平定猺匪述略序  
平定猺匪述略序  
平定猺匪述略序  
平定猺匪述略序

C 93207

歷山川險易道里遠邇以及將弁之功過士卒之勇怯  
臺局支放之繁營卡威重之勢得所徵信一一皆有據  
依十二月自粵東歸楚敘而書之俾覽者曉然於

天威震疊足以寒奸宄之膽而快率土之心自愧譎陋未能  
殫述鋪揚潤色則請竢諸能者時道光十三年七月廿  
日同知銜黃州府通判周存義序

平糶述略

序

二

平猺述略序

曩歲壬辰周司馬宜亭先生從軍楚南及兩粵歸爲平猺述略上下卷臚列事實仰見

聖謨指授之方與將吏敵愾之勇其於山川險易道里遠近猺人叛服本末至爲詳備大臣所籌善後九事後之守土者奉行成規可數百年無猺禍司馬受諸公委任尤深其與聞斯議乎方逆猺之起江華也蓄謀乘間倚重山絕險爲巢穴奮豕突之銳以擾吾久安之民屠邑戕令兇焰日熾於是制府盧公巖壁永州猺不敢進越尺寸

平猺述略

序

一

天子命提臣鼓行深入又

簡大臣視師張網以困阱獸旬月之內賊魁就馘首身糜爛有類神誅此固師武臣力之效而一時文移之往返衣糧之支放簿書之勾稽軍裝火器之護送事事必得賢能之吏以區畫其間蓋其勞均不可沒也禧瑚二大臣

已奉

詔視師旋進軍平粵猺制府亦改督兩粵檄司馬赴粵諭散猺黨兼撫郵被難者司馬親冒矢石躡賊窟佐楚師之

捷又克致粵獠之靖先後不數月間屢聞借前著而贊  
成謀何其盛也明韓雍王守仁以平獠功著史冊然明  
之獠禍恆數十年不息勞師費餉億萬計豈如今日懷  
德畏威弭耳怙伏不敢勞我百姓苦士卒者哉司馬官中州  
久熟諳河防泊移官來楚於江漢水利尤能講求而力  
行之攝江夏鍾祥二邑有惠政以通判從軍晉同知銜  
今署漢陽司馬爲楚中循吏稱首云時道光十三年七  
月黔中唐樹義序

平定獠匪述略

趙金隴者湖南過山獠先由新田藍山遷居江華縣錦田之大隴四十餘年十三年前又遷至長塘坪與弟金旺分居各爨種山度日道光十年冬常寧縣獠人趙幅才揚言通仙術能知過去未來書符治病煽惑各寨獠人聲稱獠人中要出大獠王趙金隴相貌體面將來必有好處伊願幫助起事趙逆遂被迷惑於十一年七八月間假習師巫請神跳鬼哄騙愚獠言能提劍作法啣水變火結草變牛播散妖言起意謀反潛行勾結本地獠人又令趙幅才代糾廣東散獠唐八卽平獠述略

唐發林送給緞衣二件唐八同唐三唐四等聽從轉糾廣東散獠三百六十餘人連趙金隴所糾九冲獠共六七百人各以紅布裹頭爲號挾附近天地會匪屢搶牛穀夙讎欲先劫殺洩忿十二月二十九日率領獠衆同弟金旺及子姪眷屬至兩河口等處燒搶殺死會匪鄧潮相鄧潮英等二十餘人又令夥黨趙鳴鳳書寫僞示張貼村市上有金隴元年字又製紅藍等旗令人執持在前引導

上卷

獠之種類至夥其在長沙黔中五溪者爲盤瓠種所居皆深山重險人跡罕至椎髻跣足衣服斑斕言語侏儻

刀耕斧種黍粟豆芋雜以爲糧伐竹木以易穀獵山禽以續食俗喜讎殺猜忌輕死又能耐饑忍苦上下山險若飛猱多居高阜雨暘不時種殖無收則四出剽掠覓升斗以免死久乃習慣雖豐歲亦不免民之與猱交結者往往爲鄉導而分所獲光武時伏波將軍馬援擊五溪蠻破之隋置辰州以處蠻唐置羈縻州以領之永居洞庭之南蒼梧之北谿洞雜居其性習與古無異宋嘉泰中湖南安撫趙亮勵言湖南九郡皆與谿峒相接其地南接二廣北通湖右其人狼子野心不能長保無事

平猱述略

上卷

二

或因饑饉或因讎怨劫掠殺傷習以爲常稍失防守則不安巢穴越界生事莫若選擇土豪爲猱人所信服者爲總首任彈壓之責以蠻猱制蠻猱其策莫良嘉定中臣僚言熟戶山猱崗丁有田不許擅鬻任其耕種但以丁名繫籍每丁量納課米三斗悉無他科旣樂其有田之可耕必不至鋌而走險所論制猱之法皆爲曲盡事

理我

朝定鼎以來熟猱納糧當差令行禁止生猱雖處山谷自食其力不爲民害承平百餘年從未滋事不意有兇狡

如趙金隴者肆其狂悖以取滅族之禍夫徭性固反復無常漢奸又以其可欺盤剝侵凌締仇結怨又或交關勾引釀成事端趙金隴潛蓄異謀雖非激變其始亦因會匪等搶奪牛穀心懷報復是以

聖諭諄諄確查起釁根由將失察之文武各官分別議處不能因趙金隴業經謀反槩置不問並不准功過相抵以杜藉事邀功之漸信賞必罰懲勸昭然孰不震動奮厲各盡忠忱也哉

正月初三日知縣林先樑會同永州鎮左營遊擊王俊帶領平徭述略

上卷

三

兵役往捕格殺徭匪男婦十四名拏獲五名初五六日徭匪復至洪江冲黃竹寨肆劫營縣等因兵力無多未能盡力堵截傷斃兵丁一名及書差民人男婦共四十五名口劫掠村庄七處竊據長塘夾冲平山等處糾眾約有千餘林先樑生擒徭匪鄧如順一名搜有金隴年號偽示木牌當卽正法初十日永州鎮鮑友智衡承道高翔麟馳抵江華將各冲路口派撥兵勇槩行防堵陸續拏獲應援奸匪二十餘名令右營遊擊李方玉帶兵駐紮各徭寨總路以扼其吭飛咨廣東之三江協連山營帶兵駐交界處一律防堵十九日湖南巡撫

吳公榮光帶同候補道鮑步墀前任桂陽州知州陳同治派  
令長沙協副將嵩齡挑選省營精壯兵三百名自省起程二  
十日提督海凌阿自駐紮之常德府城起程均赴永州督辦  
湖廣總督盧公坤飛章入

奏卽於二十七日起程赴南省

上以湖南省城緊要督臣業已前往撫臣仍折回省城以資  
彈壓

命湖北提督羅思舉遴選將備帶領練熟精兵一千名迅速  
進剿先是十九日永州鎮鮑友智永州府李銘紳會勦令遊  
平猿述略

上卷

四

擊李方玉帶領兵勇潛由沂村繞道進攻長塘後路且攻且  
進賊匪漸集漸多官兵奮力攻撲半日一夜兵丁帶傷三名  
路途險絕未能直入長塘遊擊王俊署叅將成喜署桂陽州  
王景章亦於十九日帶領兵勇由東路東竹寨直搗夾冲焚  
燬賊巢追殺賊匪三十餘名次日黎明進攻平山殺賊四十  
餘人擒獲二人餘皆逃散燬其房屋衣糧遂與李方玉兩路  
齊進夾攻長塘賊匪并力抵敵官兵施放鎗炮復用火彈拋  
擲賊廠火發立時延燒殆盡計殺斃燒斃約三百餘人猿人  
素慣登山飛捷如猿猿趙金隴與其逆屬夥黨奔登峻嶺潛

逃奪獲賊械衣糧等物並查出首逆祖父墳墓掘燬因天時已晚山徑陡險官兵生疎追趕不及就於長塘劄營擒獲搖匪三人訊稱首逆逃往大竹山又有潛逃廣東八排之語二十一日復追賊至黃竹寨首逆趙金隴率帶搖匪男婦執持色旗跳登山嶺二十二日揮兵奮追掩擊殺死二十餘名生擒盛幅秀李氏男婦八人二十二等日搖匪竄入藍山境之五水搖山到處搶劫裹脅至二三千人欲入九嶷山安頓巢穴委署叅將成喜帶兵一百名在要口將軍坪堵禦突來搖匪千餘經官兵施放鎗炮斃賊多名又鎗傷紅旗賊目一名因衆寡不敵退回二十里地之大橋兵丁亦多傷斃二十七日搖匪二三千人竄至江華所屬之麻岡地方搶劫寧遠縣之黃河魯觀洞等處鮑友智飭令嚴堵卡隘巡撫吳公提督海公以鮑友智李銘紳所帶七百餘兵僅資堵禦不疎兵力厚集輕率進兵雖燬巢斃賊稍有微勞而於首逆逃竄僅派都司帶兵百名致首逆得以竄出裹脅蔓延成喜雖因衆寡不敵究未能堅守攔截奏叅奉

旨分別降調責令戴罪圖功以觀後效

逆搖滋事之始恃其山勢危險難于剿捕鎮守一經聞

信前往撲滅雖未能兜撿首逆致令竄出蔓延但業已  
焚燒房屋掘燬墳塋使賊退無所據我兵得以誘至山  
外合力圍攻未始非早破賊巢之力軍事方始功令森  
嚴不能以攻戰之勞而遽原其輕率之咎也

上慮猺匪竄入粵境

命兩廣總督李鴻賓派員緝拏並

命廣西提督蘇兆熊在湖南交界處堵守毋許該匪闖入二  
月初十日議以湖北黃州府通判與候補府經歷裘惠隨制  
府盧公隨營辦事行抵長沙制府

平猺述略

上卷

六

奏請由陝西派往湖北之守備仇懷瑛千總程芝王集賢飭  
令帶同督標弁兵押解抬礮五十尊噴筒三百桿解至永州  
備用並選督標精銳炮手槍手二百名令武昌城守營文興  
德安營守備劉克勤帶領逃赴湖南以資進勦前後共調官  
兵四千餘名其軍火器械糧餉設局以專責成并飭附近各  
州縣動碾倉穀備撥並遵

旨先行出示曉諭散其脅從分遣委員赴各猺寨率同寨長  
及猺籍生員挨戶講解並量加撫卹使衆猺心安不至驚駭  
辦理均有頭緒制府即日由長沙前進先是正月二十五二

月初三等日湖南撫軍提督先後至永州撫軍因制府未到暫住軍營酌派官兵調撥糧餉海提督隨赴寧藍山一帶相機督辦探知藍山之高壇坪高良源大橋舖白水營寧遠之大紫荆黃花源白泥塘等處雖有猺匪竄入均被各路官兵堵截並於黃花源殺斃一人鎗傷數人又在白泥塘鎗傷數十人海提督於十二日往寧遠之下灌進剿十四日帶兵五百五十名遣寶慶協副將馬韜領兵前行至池塘墟賊目唐發林唐三唐四率同衆逆二三千人突從山上竄下官兵奮勇爭先殺賊無算馬韜率兵丁向前放鎗逆猺亦放鎗抵禦馬韜被鎗陣亡遊擊王國華守備吳鑑同時被害提督揮兵冲入賊羣連發數矢賊黨愈聚愈多不及隄防又因山路崎嶇雨水路滑墜馬被戕副將福珠洪阿坐馬中鎗跌落山溝傷左手右腿見外委楊芳春背有提督印信亦跌溝內福珠洪阿竭力護印翻山連夜奔至藍山嵩齡等正在守隘聞信帶兵馳至接應回城賊匪見有應援退回池塘墟

海提督進兵之時制府撫軍均以兵力尚單未便輕勦

囑其先行擇要防堵制府並咨會侯羅提督兵到再行

兩面夾攻其在下灌拔營時復有居民攔稟前路逼近

平猺述略

上卷

七

賊巢不可前往副將馬韜所帶之寶慶協兵丁同於十三日馳到亦經稟請暫緩兵力提臣一意深入山徑叢雜未能偵探明確誤從小路行走冒雨至池塘墟路徑窄狹致墮賊計

上以遽行迎剿不免輕進而爲國捐軀實爲忠勇立沛殊恩給予卹典並查明子嗣

賞給世職不特九原瞑目在事官兵亦無不同深欽感也

時制府盧公尚在祁陽途次撫軍聞報以所調各營兵到尚需時日添調就近之武岡宜章兩營兵三百名往寧遠藍山

平糶述略

上卷

八

協堵十七日制府至永州撫軍遵

旨回省制府兼攝提督印務催償四路官兵於永州及省城各設軍需總局並於適中之衡州設立糧臺各路添設腰撥台站撥運軍火器械糧餉源源接濟毋許遲誤奏留丁艱藩司恩特亨額爲總理臬司楊簧鹽道胡鏐爲協同總理兩局

一臺支放浩繁檄調岳常澧道梁恩照署寶慶府呂恩湛承

緩廳同知常慶分司其事並奏調湖北德安府知府方長慶

漢陽府同知邵勳襄陽府同知周鳴鸞隨營辦事又有廣東

知縣加知州銜楊得垣自甘肅解餉回過楚中制府悉其江

蘇徐州軍營辦過軍需習熟則例留於永州總局差遣併選  
調兩省丞倅州縣等官數十員又遴選佐雜數員以資襄理  
差遣

夫百里春糧千里聚糧故徵兵易而集餉難若曠日持  
久老師糜餉有任其咎者矣羊泉之役余身在行間辦  
理永州局務目擊厚山宮保與提鎮諸公勞心晝夜得  
以迅速藏事一切軍需款日各局員奉行詳慎撙節知  
縣以上並各自備資斧用項始得減省惟有官兵行裝  
銀兩兵丁跟役鹽菜口糧以及有搖州縣分兵堵卡運

平糶述略

上卷

九

送糧米其僱用站夫隨營長夫應給予安家路費等銀  
運送軍火糧餉器械自衡至永水路係一線溪河難以  
挽運必改陸運量給夫價口糧又被逆徭擾害之難民  
猝遭焚劫四散無歸照賑濟水旱災民之例按名散給  
口糧本折兼放並搭蓋棚廠暫資棲止以免失所其餘  
款項雜冗逐細勾稽兩湖各營及貴州兵共九千一百  
各省城永州兩局衡州糧臺轉運軍火糧餉分路支應  
自軍興至竣事動用銀款不過四十餘萬兩均由前藩  
司恩公一手總理核實報銷羅提督駐邊防堵官兵各

項另作留防續案辦理以清界限軍需欸目繁多易於  
冒濫影射乃能清源節流毫無滲漏固由成功迅速亦  
以辦理得人也

制府盧公因兵力尚單先調鎮筸等兵一千七百名堵禦隘  
口堅壁清野其附近各土猺亦恐被其滋擾均自相團練保  
衛埃羅提督到大兵雲集爲四面兜圍一鼓殲除之計

上以貴州提督余步雲久歷戎行身經百戰調補湖南提督  
諭令挑選精兵一千名帶同得力將弁迅速前來與羅思舉  
戮力同心及早勘定首逆趙金隴困獸反噬傷我大員國法  
平猺述略

上卷

十

不容神人共憤務要設法生擒解京盡法懲治毋任遠竄逆  
猺趙金隴自池塘墟抗拒官兵沿途裹脅又有新田縣毛栗  
山猺匪趙文鳳爲之響應分爲三股趙金隴與唐八率領廣  
東散排及江華錦田各寨逆猺爲一股趙幅才趙幅青率領  
常寧桂陽逆猺二三千人爲一股趙文鳳與其黨趙幅明率  
領新田寧遠藍山逆猺二三千人爲一股出沒無常勢益猖  
獗所有寧遠之界頭舖陽山崗常寧縣之羅家橋桂陽州之  
小茶樓彌勒舖新田縣之十字墟塘窰等處均被滋擾制府  
以山雜路歧猺匪登峯越嶺躡捷異常必須加倍堵遏防其

遠竄衡州府爲長沙至永州水陸咽喉扼要之區常寧緊接衡州須常寧一面迎頭截住賊勢方足捍衛祁陽又爲常寧入衡永捷徑且係永州師行糧運後路派衡州協副將海福帶領辰州等處兵七百五十名堵禦衡州府知府尹佩棻帶領鄉勇在常寧分布防守沅州協副將馬天保帶領官兵三百名在祁陽防守其桂陽新田嘉禾三州縣地界毗連犬牙相錯獠匪往來游奕亦各派將弁布置周密相機策應

當逆獠之分而爲三也其勢狼奔豕突乘新起之鋒挾

必死之志衡永間徭山絡繹皆其平日藏身竄跡之所

平徭述略

上卷

十一

稍失過禦蹈瑕抵隙必至蔓延多爲備則分兵力俟其衰則曠時日且逆所犯多由常寧桂陽距衡郡密邇大兵駐永衡郡在其後饒道所出一有警則憂匪淺官保盧公指授方略檄令所在嚴守禦廣聲援衡郡晏然斥候無警逆進不能攻退無所據雖披猖竄逸藉延兇命而擾攘失勢終類游魂洎羣聚一隅然後得以一網盡之蓋謀定後戰不待秣馬厲兵而獠犬已入檻穽矣

二月二十一二日賊匪竄撲桂陽之彌勒舖等處桂陽州知州王元鳳帶兵擊殺賊匪二百餘人生擒三人復在羅家橋

殲斃猺匪三百餘人內有坐轎賊目趙幅才等三名騎馬賊目一名又生擒趙文武等三名又竄至常寧縣境之羅家橋知縣范上組會同把總鄒玉堂截殺賊匪一百五十餘人並斃身佩鐵劍上有平天大王趙生長字樣賊目一名生擒猺匪雷振祥等九名猺婦李盤氏等二口其餘帶傷而逃者無數二十三四等日竄入新田境內距城只十餘里派撥官兵未到知縣王鼎銘率典史丁禧外委莫亮領汛兵鄉勇赴卡隘截堵殺傷賊匪多名二十五日賊匪大至王鼎銘親督兵勇奮殺突遭賊目趙幅青放鎗被害賊遂乘勢擁入縣治肆平糶述略

上卷

三

掠因所撥官兵趕到賊即奔散往塘田上流洞等處竄匿前因新田派兵未到候補道鮑步墀面囑永州右營遊擊李方玉署桂陽守備王楷帶領道州桂陽兵先往新田堵禦俱因路途梗塞繞道行走王楷即由道州前往李方玉復至永郡謁見制府請示制府以新田戒嚴李方玉王楷乃敢任意延挨卽以其事

奏請將李方玉革職枷號藏事之日發往新疆王楷趕至新田隨同追賊尚知畏懼革去頂戴留營差遣以觀後效

上以羅思舉余步雲兩提督計日可到會剿之時恐猺匪竄

至兩廣邊境致成滋蔓或盤踞山洞致我兵搜捕轉墮奸計  
諭廬坤羅思舉余步雲務須誘至山外一鼓作氣聚而殲旃  
尤當遵照前

旨生擒首逆盡法懲治以彰國憲而快人心趙金隴由新田  
楊家舖竄至桂陽州交界之白水洞盤踞連次衝突州屬之  
排前壩卡隘知州王元鳳會營抵禦殲斃彘匪二十餘人並  
頭裹紅巾手執紅旗賊目一名賊遂退至楊家舖初八至十  
四等日鮑友智會同王元鳳復在茶園坪截殺賊匪百餘名賊  
匪由上流洞貓兒十三灣越嶺入山又經追至半山擊斃一

平彘述略

上卷

三

百餘人又在白水洞口督率守備賀永庚千總李英截殺四  
百餘人十五日賊復撲卡殲斃三十餘人前後奪獲刀鎗器  
械無數其趙文鳳一股糾衆多人出山入夥武岡州知州王  
景章傳令曉事紳士給予告示安撫解散過半餘匪翻山竄  
至白水洞三月初十日羅提督至永州接湖南提督印信任  
事與制府盧公面商再行剴切曉諭被賊裹脅良民及早悔  
悟自首免受駢誅各路官兵稟承指授無不踴躍爭先分路  
追躡彘匪已被兜圍不能四出游竄往來於新田之上流洞  
楊家舖常寧之羊泉黃崗桂陽之白水洞茶樓等處賊勢窮

感惟南路之藍山寧遠江華俱爲入粵門戶隘口較多尤須嚴密防範乃定計由中路進兵既可過其南路又可與派往北路領兵之署總兵霍隆武聲勢聯絡首尾相應并添調永順協副將祥福沅州協副將馬天保帶領鎮筸沅州兵一千二百名以便與羅提督兩路夾攻使賊腹背受敵其旁通祁陽道州零陵之小路節節設防重重守護十七日湖南北各路官兵八千一百餘名陸續到齊羅提督卽馳往新田察看道路情形相機進剿三月十八九日大股賊匪二千餘人復至桂陽州之上白水洞中途會合新田一股賊匪千有餘人

平猿述略

上卷

古

由山嶺前來遊擊鮑友智帶兵迎截賊匪開放鎗炮我兵用牌擋護直前衝擊殲斃七十餘人內有身穿藍袍手執令旗騎馬賊目一名生擒二人奪獲鐵炮一尊鳥鎗四件刀矛三十七件賊復奔回白水洞維時防守嚴密追躡甚緊逆匪撲卡則被剿對仗則受傷不能竄至粵境羅提督探明賊踪隨督兵前進所有白水洞楊家舖兩股賊匪果竄入常寧黃崗會合黃崗猿匪同竄至羊泉其地有街一道長數里居民逃避賊卽盤踞固守二十二日蜂擁攻奪羊泉營卡都司郭宏升帶兵奮勇堵禦適鎮筸都司呂耀宇知府尹佩棻帶同兵

勇到彼合力追殺斬級十七顆傷斃無算奪獲旗鎗礮械等  
數十件羅提督偵知賊匪均聚羊泉密飭霍隆武祥福帶兵  
齊赴又將相離較遠卡隘官兵令移營相逼層層兜圍於二  
十九日乘其不備冒雨進兵街前街尾兩下夾攻逆獠四五  
千人居中併力死守經官兵殲斃二百餘人賊遂退入民房  
於牆內挖孔放鎗我兵不防間有傷損蓋羊泉四面皆山面  
臨溪河背靠水田市房多風火夾牆外又石砌圍牆數道極  
爲堅固隨營鎗炮轟打一時難入時軍中所帶威遠大砲因  
兵行迅速尚未趕到然賊聚於一市爲負隅之計金魚阱獸  
剪滅不難矣羅提督親督將弁攻圍四晝夜更番迭戰設法  
燒斃及殲斃共八九百人四月初一日余提督行抵潑浦取  
道邵陽捷徑前來制府盧公飛札囑其星赴常寧與羅提督  
會剿委員李銘紳蔣庸擒獲綠袍頭目黎阿四紅旗頭目監  
星才等據稱趙金隴現已被困意欲乘間逸出竄往兩粵等  
語並探知羊泉各逆連婦女實有七八千人內兇悍戰手約  
四五百人謀欲突圍竄往廣東制府提督傳令各營多設鹿  
角置放炮位又於營盤內創挖深濠建造木城又四面添設  
冷卡撥兵駐守使逆獠捷足計無所施賊恃其牆垣堅厚於

平獠述略

上卷

五

牆上四面挖孔施放鎗礮多被中傷我兵非用擋牌不能前進鎮守營兵丁田景仁鳳凰廳練勇韓永奇等四十餘人從平地縱跳上房前敵受傷墜地後勁仍復登牆拋擲火彈擊斃千餘人初六七等日逆匪趙文鳳趙幅明等計欲逃出羊泉回到新田奪佔陽山五嶺猺地遂起意詐降羅提督暫緩攻擊令將首逆獻出呈繳器械逆等不肯縛獻意在緩兵羅提督知其奸計派令總兵霍隆武副將馬天保分堵羊泉西北兩面叅將王錫朋自街南進攻羅提督親率副將祥福叅將劉允升遊擊鮑友智自街東進攻鎗炮火毬同時並舉四平猺逃略

上卷

去

面火起焚燬賊穴燒斃不計其數逆等仍敢放鎗抵敵我兵奮勇爭先雖有受傷陣亡仍俱冒險直入踞住街內刀斫鎗戮生擒頭目唐發林等多名餘匪大敗避入屋內閉門拒守羅提督親自進街察看形勢兩岸未燬民房尚有一百數十間街道窄狹不能安放炮位其左右及後牆俱用磚石砌築厚有數尺隨懸重賞激勵弁兵都司郭宏升呂耀宇守備王桐何有福田宏才把總趙如勝外委賈良璽等帶領弁兵練勇爭搗賊巢斫門蕪火攻破十餘家殺逆四五十人其餘室內逆猺情急突然開門及由塌牆缺處紛紛持械從內冲出

聲喊投降官兵喝令放仗乃投棄刀矛者僅有數人餘皆執械四竄詭詐顯然復有瘦弱男婦手不持兵狀似裹脅者隨後走出羅提督卽諭委員弁各執一旗引令出街外分置空曠之處派兵圍守其竄出壯丁被街外弁兵團圍攔住匪等仍各逞兇且戰且逃各將領麾令在內兵勇出街與外兵腹背夾剿殺斃二千餘人當時生擒首逆趙金隴之子趙幅金趙幅銀趙滿仔趙老三逆女趙三妹及趙金隴之弟趙金旺趙幅金之妻趙黃氏頭目趙文鳳李德明連逆黨共五十餘人奪獲大炮七位刀鎗器械三千餘件其被脅男婦千餘人

平徭述略

上卷

十七

合眼目一一認明並無趙金隴在內交隨營文員李銘紳分別說明解辦是日余提督帶領黔省官兵四百員名馳抵羊泉卽於西面紮營協剿十一十二日陰雨用炮用火燒燬鴉房未能大創十三日夜天雨昏黑逆徭三百餘人乘間竄出叅將王錫朋貴州遊擊王志元隨營委員李銘紳蔣庸各帶兵勇追殺多名餘皆就獲自初六日起十日之內計擒殺徭匪六千餘人餘不及十分之二若用大炮轟擊不難卽日蕩平因被獲之鄧廷興鄧名亨妄稱趙金隴與散徭八九百人尚在楊姓大宅內固守抗拒是以仍用火彈柴草相機剿捕

以期渠魁早獲十四日永州鎮曾勝抵永州制府令赴羊泉  
隨兩提督悉心籌辦妥速竣事十九日制府親至羊泉會同  
督剿二十一二等日羅提督率副將祥福叅將薩勒哈善劉  
允孝遊擊鮑友智等帶領弁兵由東南面余提督率副將張  
必祿遊擊王志元馬貴都司呂耀宇郭宏升等帶領弁兵由  
西面總兵曾勝副將霍隆武帶領辰州官兵由北面合力進  
攻官兵多由雲梯上墻用火彈火葯擲入賊巢登時火熾燒  
燬逆賊所踞之房三大間斃逆不計其數眾逆又竄入二層  
大房我兵自己至西奮力攻燒值大雨如注暫撤兵圍守二  
平猿述略  
十三日雨止仍用火攻將二層大房全行燒燬斃逆數百人  
投出男婦幼孩一百餘名賊又竄聚大房後三層二十四日  
復挑選各營精銳兵勇一齊進攻鎗礮並施逆等仍在內施  
鎗不已我兵見兇悍情形均各眚裂忿不顧身不避鎗炮礮  
石奮勇直前未刻始將賊眾房屋全行燒燬逆賊於烈焰中  
猶復用鎗抵敵兵勇冒焰衝烟進入燒破屋內又誅殺生擒  
多人二十五六日官兵逐細搜尋查明首逆趙金隴先於初  
九日殲斃其從逆諸賊實已全殲並無一名漏網

首逆趙金隴雖已殲斃未克遵

旨生擒

上因犯供尚有叅差証據未能確鑿慮日後別生支節五月中  
欽差尚書禧公將軍瑚公到衡州

諭令確切詳查覆加鞫訊蓋趙金隴困守羊泉家屬均在江  
西會館大屋居住見兵勢浩大剃鬚易服希圖南往入  
排北上衡州屢出外攻撲營卡俱被官軍殺退初九日  
官兵用炮轟墻趙金隴情急與子趙幅金趙幅銀一齊  
冲出趙幅銀在前趙金隴居中趙幅金在後至街頭趙  
幅金被兵揪住向前拉走見趙金隴亦被擒住趙金隴

平猿述略

上卷

五

用刀拒砍被官兵殺倒滿身血污雖屍身殘毀不能認  
明而其隨身攜帶之小木菩薩一具木印一顆鈴劍一  
口俱經起獲逆屬僉稱的係生前隨身攜帶之物且自  
四月初七日至二十四五日兵勇嚴密圍守雖有竄出  
亦經全行兜殺並無一名脫漏是首逆趙金隴實已殲  
斃無疑昔狄武襄破儂智高於崑崙關有賊屍衣金龍  
衣者衆以爲是武襄曰可失智高不可欺君今趙金隴  
之死確鑿而官保僅以似屬可信入

奏光明磊落其亦同符於古人夫

將逆屬趙幅金等九名同起獲印劍木菩薩委員解京訊辦  
查趙金隴倡事始則倚趙幅才爲之糾助繼則恃趙文鳳爲  
之設謀二犯最爲黨惡趙幅才臨陣殲斃趙文鳳自應留候  
解京因年老病重先行正法唐八等凌遲致死事諸員提  
聞

上以廬坤羅思舉調度有方一切機宜俱臻妥速廬坤羅思  
舉賞戴雙眼花翎並賞給一等輕車都尉世職余步雲賞加  
太子少保銜仍交部從優議敘其在事文武以次進秩有差  
提督海凌阿盡心王事及陣亡之副將馬翰遊擊王國華守

平徭述略

上卷

三

備吳鑑新田縣知縣王鼎銘前已奉

旨賜恤所有羊泉陣亡把總三員兵丁五十八名受傷官二  
十二員兵五百九十二名分別題咨辦理各路官兵以次凱  
撤惟因廣東排徭尚未撲滅提督羅思舉帶兵五百名駐劄  
江華縣扼要之錦田地方彈壓控制護永州鎮祥福分駐扼  
要之藍山相爲犄角督率二十三處守卡員弁不時遣兵哨  
探使粵省軍情聲息相通毋虞粵匪闖入滋擾衡永一帶流  
亡漸復民氣安恬蓋至是而邊陲永靖矣

衡永郴桂界連兩粵民徭雜處箐密林深羊腸一線紆

折於懸崖峭壁中偶有竊發搜捕爲難

皇上洞燭幾先始

命堅壁清野繼

命誘至山外聚而殲旃制府及提督相度機宜上稟

睿算羅提督提兵到永因三股賊匪有相爲犄角之勢若遽  
行攻剿必致竄逸四出轉分兵力傳令桂陽堵禦之兵  
不必攔頭迎截只從旁聲擊提督自統兵躡其後路逼  
令三股聚集一處然後四面圍圍賊失其翻山逃竄長  
技及盤踞羊泉提督暨諸將連日夜立於水田泥淖之

平猿述略

上卷

三

中親冒矢石激勵弁兵陷堅摧險設法焚燬用能一鼓  
殲除迅速藏事余承檄從戎隨同堵剿親見廬宮保公  
忠體國持重老成羅提督勇冠三軍身先士卒而在事  
諸君亦莫不智盡其謀勇盡其力鋪觀史策千古以來  
未有不事墮於因循而功成於振作者猗與豈不偉哉  
欽差戶部尚書禧公恩盛京將軍瑚公松額五月到湖南逆  
猺全數蕩平竄匪立時剿滅

上命與盧坤羅思舉余步雲妥籌善後事宜乃悉心咨訪刻  
意講求公同斟酌盡善列爲九條一曰籌撫卹猺匪滋擾經

過地方十室九空應撫流亡難民查明戶口開造清冊照賑濟水旱災民之例散給本折口糧並搭蓋棚廠暫資棲止被燒房屋無力者給予修費俾得安居其田地猝遭蹂躪借給仔種秋成交納歸款或補種已遲收成歉薄酌緩來年徵還如山場樹木被人侵佔亦卽清還以免失業二曰重官守永州理瑤同知專管江華永明兩縣瑤戶駐紮濤墟與嶺東營密邇因衙署傾圮無可棲止同知往往不能親履其地亟應勘明兩縣適中之地籌款興建衙署責令親身紮駐不准擅離職守江華縣距湖南省城一千餘里爲楚粵邊界崇山峻

平糶述略

上卷

三

嶺素多烟瘴人戶稀少本係中缺今則生齒日繁民糶雜處撫馭匪易應改爲邊疆要缺又府屬之寧遠新田二縣及接壤桂陽州屬之藍山縣毗連粵界亦屬瑤戶衆多相距江華駐紮之理瑤同知均在二百里外勢難兼顧應委員勘明三縣適中之地將永州府通判移駐改爲邊疆要缺定爲邊缺俸滿卽陞一切瑤人控訴詞訟及民瑤互訟之案准其審理以免遠道奔馳其防奸緝匪均責成該丞倅彈壓稽查軍流以下各罪亦由該廳訊擬詳辦但缺分清苦必須辦公有資方能責其盡心職守應飭司籌款於應得養廉外每歲各酌

給公費銀一千兩其通判關防添註理徭二字如遇出缺均由外揀選題調又江華縣應改爲繁缺亦在外題調再藍山縣大橋司巡檢並無衙署亦應添建以慎巡防三曰勤巡哨各徭境營汛弁兵向有兌票會巡之例久成具文雖有塘汛皆在深山之內彼此隔絕未能聲勢聯絡應於南省內地各標營內查有額兵較多之處抽撥一百名增添錦田大橋兩汛並明定巡哨章程實力遵守應令各徭地汛弁每月訂期與鄰界營汛巡哨一次該管將備每季巡哨一次統由永州鎮按期嚴飭備弁務須覲面會巡互取印結申報鎮臣仍於

平徭述略

上卷

三

各令親歷統查一次將查過是否安靜情形年終結報

督撫核

奏仍咨兩廣督臣飭令界聯楚省營汛一體按期會哨庶可聲勢聯絡震攝奸宄而靖邊陲又嶺東管守備駐劄萬山之中與粵西接界左右皆徭極其險遠實爲邊疆要地應改爲邊缺在外題補以重邊防四曰清叛產逆徭首從旣已駢誅所有田產戶業應委員會同地方官逐一清查照例入官召變充公但徭人素本窮苦所居之地類皆山多田少平日惟種包穀雜糧以資口食有力者少恐日久承變無人致滋荒蕪於徭人生計有礙今酌擬變通竅清查後一面造具山場

田地項畝冊籍注明高下等則通報查核一面卽擇交各處山寨公正之徭總管等承領招令相鄰之良徭佃種每歲所入租息以十分之二賞給徭總管目等以資辦公其餘或仿養濟孤貧之例於適中墟鎮建造房屋一所收養徭人之鰥寡孤獨殘廢者如再有盈餘或設義學義倉統歸理徭廳經管督同地方官隨宜措置每年將出入細數造冊報司竣數年辦定章程再行

奏咨永遠遵守所有查造冊籍經費均由官爲籌給至徭人

地畝山場除從前售賣與民人者應聽其仍舊管業嗣後徭

平徭述略

上卷

三

人產業應照承順等處苗疆之例只准各徭戶互相買賣不准與民人交產以杜准折之弊亦不准民人入徭寨貿易如違分別治罪並將失察之地方官叅處五日嚴保甲城鄉民戶編查保甲立法至善衡永一帶民徭雜處尤易藏奸應飭令牧令委同勤能教佐各官及公正紳士按戶挨查實力奉行如有拜會爲匪之徒立即查拏巨魁及濟惡從犯嚴行懲辦其實係被脅被誘並未爲匪者令自行具結投首妥爲解散以示矜宥而免擾累六曰察徭俗徭民愚蠢易滋誑惑而伊等土徭依岩傍嶺結茅爲廬零星散處難以編排保甲查

各猺所居山冲山寨某源向有頭目管攝知道州蓋山有猺總寧遠永明江華有猺目戶長猺老等名與保正甲長無異自應循其舊俗加以勸懲又有一等由此遷彼種山備趁往來無定名曰過山猺漫無約束應視其現居處所卽歸各寨猺總猺目等管束稽查應飭令該管道府州督率廳縣查明各屬現在管束猺民之人是何年月日充當有無冊籍在官如係公正老者俱仍其舊倘不堪任用斥退另選均歸理猺廳管轄如有妄爲邪說藉稱師巫醫術降神等類煽惑愚猺誑取財帛以及漢奸潛入唆訟放債盤剝並逃兇逸盜

平猺述略

上卷

三五

潛匿山寨均責該管猺總人等據實赴官首告拏究倘容隱扶匿察出一同治罪如能辦公妥協管教有方民猺相安三年期滿由縣報廳給以花紅在於逆產租息項下開支並酌給外委頂帶以示獎賞如此明示賞罰庶幾知所勸懲克收成效至猺人遇有涉訟在官之事卽傳猺總等交出到案擅差胥役入寨拘擾將該管官照例議處七日懲奸棍猺民資性笨拙每有奸民視爲魚肉欺壓良猺遇事生風或統割包穀或強搶牛隻以致羣猺積怨生端報復此等奸棍亟應隨時拏究以靖地方責成理猺廳督同該縣不時留心訪察如

有前犯立即選差嚴拏從重究辦倘稍事延緩責成道府查揭請叅八曰收火器稽查素習打牲家有鳥鎗應令地方官赴各冲寨妥爲曉諭以從前民徭居住深山因防猛獸姑聽存用近年山地開闢久無猛獸鳥鎗爲例禁軍器奉文收繳現今立限給價應將現有鳥鎗槩行繳官領價安業仍飭徭總等隨時稽查嚴行禁止並傳諭鐵器舖匠不得受賄違例製造查出嚴拏治罪民戶等並應照辦其內地出產硝磺例禁私販該徭寨所用火礮自係民人私行賣給應飭屬嚴行查禁地方官失察私販一併查叅九曰獎義烈逆徭滋擾各

平徭述略

上卷

五

士民捐資倡義招勇禦賊陣亡並有被擄婦女不甘汚辱奮志捐軀者均屬深明大義應飭地方官及各委員於查辦賑撫之便親身周歷詳訪確查姓氏彙報題請旌表此外尚有未盡事宜應行隨時措置者再由督撫詳查籌辦期歸周協所議善後章程因時因地綱舉目張簡而易舉詳而不苛洵爲今日之急務惟江華錦田等處僅添兵百名尚不足以資彈壓九月間經盧宮保以江華縣界連兩粵爲楚南極邊之地錦田鄉距縣一百八十餘里外近粵東八排內逼九冲山崗東距藍山大橋五十餘里西距

本縣錦岡一百餘里猺山錯雜爲衝永兩郡屏蔽與羅  
軍門察看形勢

奏請將理猺同知並城內遊擊移駐錦岡增設防兵四百  
名提標右營守備亦移錦岡作爲遊擊中軍經管兵馬  
錢糧並於提標前營把總四員內酌撥一員移駐大橋  
協同外委巡防如此則體制較崇聲威倍壯唇固而齒  
益安矣

平猺述略

上卷

三七

平定猺匪述略

趙子青者廣東連州過山猺向習巫師與趙金隴並不相識聞趙金隴謀反猺人歸附者多欲來會合幫助到湖南知趙金隴已殲斃遂捏稱師徒自名猺王希圖哄騙愚猺乘機擄脅僞封粵猺趙文興趙仔澄趙友潰卽文貴爲總兵於四月初六等日同趙文興糾約粵匪多人在連州黃茅冲江田堡等處搶劫五月初四等日率領衆猺在沙坪地方與粵兵打仗傷斃官兵二十餘名並外委一名聚賊三四百人竄入湖南藍山所管之界頭山爛泥坳及江華之濠江冲沿途脅裹平猺述略

下卷

有二千餘人由大小林崗冲劫掠砍斷錦田糧道

欽差尚書禔公將軍瑚公與制府盧公酌商恐猺匪深入九冲煽惑良猺飛檄文武員弁前赴各冲要隘妥爲安撫防護並添派貴州松桃協遊擊馬貴帶兵四百名馳往策應又派桂陽州知州王元鳳候補知縣蔣庸縣丞吳相洪陸續轉運糧餉軍火等物俾資接濟余提督曾總兵於二十一日先後俱到錦田飭令叅將興安泰帶領兵五百名自背江口至濠江堵截我兵正在紮卡猺匪四五百人由濠江之半山樹林中衝出直撲營卡興安泰喝令施放鎗礮立斃在前賊匪數

名內有手執紅旗賊目領眾上前我兵急催鎗礮趕至隔河轟擊斃賊二十餘名並將執紅旗賊目擊斃賊匪退至半山屯紮二十二日余提督至濠江口其處中隔一河地勢窄狹當卽就岸立營賊匪亦伐木築卡與我兵抵拒二十三日黎明副將張必祿叅將王錫朋與安泰帶領得力備弁在前探剿提督總兵督率大隊弁兵繼進賊匪順濠江冲山頂且戰且行兩面皆窮谷深澗樹木叢雜官兵魚貫前進跟追四十餘里至銀匠冲地方猺匪佔據三處山頭戰手在前兩山婦女幼稚新脅猺人在後一山助勢吹號催戰我兵先用礮擊

平猺述略

下卷

二

皆被土梗間隔不能中賊賊勢愈兇以鎗手長矛數百下壓張必祿王錫朋率領備弁奮力上攻總兵督同興安泰等向賊佔右山仰擊提督率黔楚大隊弁兵向賊佔左山抄殺鎗礮並發立斃猺匪三四十名一時兩山賊匪拚命下壓我兵鎗擊及刀矛刺殺復數十名該匪抵死抗拒不退貴州兵丁羅亨祿帶旗登山連斃二賊提督總兵乘勢督兵直前攻撲立時殺斃紅白旗手二名張必祿指令兵丁擊殺身穿黃色馬褂賊目十數名王錫朋親執長矛斃紅旗兇悍頭目一名並獲其旗上寫有兩廣總兵趙文興字後山之新脅猺人

並婦女幼稚見我兵勢大一時奔退在前戰手不敢抵敵均  
回頭逃竄我兵向前追殺斃賊不計其數時已昏黑不能窮  
追卽就打仗處露宿共計二十二三兩日殺斃猺匪割有耳  
級呈驗者三百二十餘名生擒男婦二百餘名奪獲鎗矛無  
數陣亡兵丁四名帶傷弁兵六十九員名二十四日提督復  
督兵追捕二十餘里見有在楚被脅男婦俱在深林躲匿經  
提督傳令本地猺生猺總逐名喚出派員分交地方官認明  
安置妥爲撫卹尚有賊匪一二百人欲由葛藤冲竄回粵東  
經防堵大橋都司色成額守備楊昌凱攔頭剿殺十餘人擒

平徭述略

下卷

三

獲男婦五十餘人其餘向麻岡冲一帶逃竄提督派叅將王  
錫朋帶兵跟踪搜捕副將張必祿叅將興安泰在銀匠冲一  
帶接應並飭九巖山都司郭宏昇等凡通粵省路逕到處截  
拏提督駐紮濠江以爲聲援二十九日張必祿王錫朋在麻  
岡地方帶領鎮守兵丁將首逆趙子青及其妻併子趙狗兒  
女趙三妹一同擒獲訊明後卽將首犯凌遲處死其逃出餘  
匪多已就獲惟賊目趙仔隆帶數十人逃竄已飭各卡防堵  
將弁嚴密查拏奉

諭旨廬坤余步雲交部議敘王錫朋奮勇可嘉以副將卽陞

先換頂戴兵丁羅亨祿亦屬勇敢以把總拔補其在事出力人員及受傷陣亡弁兵分別獎勵賜卹

粵獠趙子青竄入楚境裹脅至二千餘人之多往來遊奕俱在深山密箐中提鎮等會同防捕兇剿我兵乘勝之後勇氣百倍旬日間渠魁授首邊境肅清時廣東排獠尚未蕺事

諭旨切責粵省將校不若湖南督提鎮將剿盪迅捷告戒策勵至再至三追

欽差禧公瑚將軍甫至匝月率提鎮進剿如摧枯拉朽卽奏平獠述略

下卷

四

膚功乃知

天威遠震非尋常思慮所及也

盛均華者湖南寧遠縣過山獠人嘉慶二十年移居江華縣上五堡二十三年復遷居廣西賀縣道光五年搬住蒼梧縣早塘種山度日在湖南時曾與趙金隴相識後至賀縣與逆獠鄧進印馮文科趙有相趙春有交好十二年三月鄧進印等先後至盛均華家探望與均華盛生香等道及廣西僑人多山少不敷食用又值趙金隴在楚省造反各處守卡鄉勇恐有奸匪勾連禁止獠人越境往來不能出山交易生計

更難盤均華起意糾約衆獠闖卡同過湖南幫助趙金隴希圖奪得民獠山寨分佔田地鄧進印等均被蠱惑聽從分頭邀脅獠衆六月十六十七等日盤均華前赴賀縣所屬之白竹磨刀古瓢各冲邀脅土獠男婦千餘人其時聽聞趙金隴已被官兵剿滅恐到湖南人少不濟復至趙金香趙元義等家飲酒集議西省巡撫提督聞報飭派文武督兵剿辦賀縣防堵文武先帶兵追捕維時官兵未集盤均華與趙金香等聲言趙金隴衆夥已死田地多有空閒托詞爲其報仇煽惑各獠匪等輾轉糾約共有二千餘人因見人衆遂推盤均華

平獠述略

下卷

五

爲獠王用紅布製成旗幟派鄧進印馮文科等十四人爲頭目並脅逼鄭富才趙明堂入夥六月十九日盤均華令伊黨在趙金香門首擊一夏姓人殺死祭旗起事用紅布包頭手持鎗械旗幟由賀縣之灰洞思洞等處一帶行走沿途搶掠糧食歷龍井村出道石壩二十五日行至芳林渡潛渡河東經同知易中孚偕叅將滿承緒等督兵尾追獠匪見官兵追急卽佔據河岸放鎗抗拒叅將滿承緒身先士卒奮力指揮被獠匪中傷左肩甲署守備楊燾右手腕亦受鎗傷官兵忿激爭先連環放鎗打斃獠匪百餘人頭目趙春有李成剛陳

元青俱經殲斃賊仍恃衆不退時至夜半我兵追至大炮陸續施放至二十六日黎明轟斃猺匪二百餘人賊始敗走我兵乘勝追撲又殲斃猺匪千人生擒男婦三百餘名口奪獲旗幟鎗械無算餘匪四竄又經鄉民獲送三百餘名口是夜四鼓所獲猺匪乘我兵倦乏掙斷繩索互相解放拋擲磚瓦將兵勇打傷我兵四面放鎗匪等抵死抗拒經文武員弁令兵壯用梯登屋將猺匪盡行殲斃又經文哲琿分搜零匪二百餘人拏獲盤友奉趙金祿等首犯盤均華與伊養子盤生貴並男婦七人逃至馬金凹山坡盤均華在半山寮棚外坐

平猺述略

下卷

六

地歇息旋有官兵帶同猺賊盤友奉趙金祿追及到處搜捕盤均華悄從棚後滾下山溝七月初一日盤均華至甕源地方與伊妻女並鄧進印馮文科趙有相盤生香會遇各自逃生先是湖廣總督盧公提督羅公准廣西巡撫祁公咨稱猺匪賀縣滋事之信以與楚省江華嶺東地方連界嚴飭邊卡文武實力堵拏並派護鎮祥福馳往嶺東督率備弁嚴防時有被脅及逃難多人均至卡投誠就撫盤均華攜帶妻女於七月初四日潛至江華縣屬之竹排界山崗躲避經降猺內之陳有金黃元富祝得安趙金星趙成容告知猺目趙德裕

等報經守備阿臨泰署江華縣林先樛馳往督同鄉勇徭目  
並廣西富賀營兵丁楊得再將盛均華及其妻女一併拏獲  
搜出刀械又有被脅之鄭富才趙明堂正欲赴卡投首亦被  
防堵官獲住時護鎮祥福督率阿臨泰王俊楊昌凱分布各  
卡聲威甚壯阿臨泰續獲馮文科趙有相鄧進印三名王俊  
續獲盛生香一名並有逃來男婦老幼共八百七十餘人因  
人數過多飭郴州知州張鴻咸等按名查訊有被監均華焚  
燒房屋逼脅隨行經官兵剿散逃至湖南就撫者有聞賊至  
逃來鄰境避難者計賀縣難徭七百零一名蒼梧難徭五十  
平徭述略

下卷

七

一名分作四起解回原籍安插尚有難徭一百二十三名係  
原籍江華縣赴粵西佃種山地未久房屋山場俱已荒燬情  
愿仍舊歸本籍當飭傳親族及徭目妥爲安置徭境肅清邊  
圉綏靖羅提督仍回錦田督率防堵

廣西賀縣土徭滋事祁中丞調遣文武員弁即時撲滅  
芳林渡戰功保全甚大惟以首逆殲斃

奏聞而楚省又經生獲緣馬金凹之役將徭匪盟友鳳趙

金祿帶往指認屍身不知其滾岩竄逸查認無首屍身

見與監均華身穿服色相似旁有已殺孩屍係其領養

長子且有所帶玉戒指爲証以致誤報首逆已斃嗣經  
咨提廣西要犯盤友奉等五名到衡提同盤均華令其  
認識均稱的係賀縣聚眾首匪粵西所指乃係因疑誤  
認盧宮保復督同臬司楊及廣西委員耿省修趙光璧  
眼同質實毫無疑義審明後卽將首從各犯照律寸磔  
傳首犯事地方以昭炯戒而盤均華之事乃結

粵東連州有八大排及各小冲徭人自入版圖以來種地營  
生向稱安分道光十二年四月中因湖南逆徭趙金隴滋擾  
界屬毘連有徭匪房大第六沈燒酒盤麻三李成意一等潛

平徭述略

下卷

八

相煽惑提督劉榮慶帶領將弁剿辦間有斬獲五月十三日  
總督李公抵連州定計三路進兵殲斃徭匪六百餘人而山  
深箐密偵探未確徭匪得以肆啓狡謀先將要路挖斷適因  
卡房火葯焚燒中路都司王珍東路遊擊謝國榮西路遊擊  
史鵬均被燒傷石傷槍傷致斃中路弁兵因火燒斃及墜岩  
跌斃者約五十餘員名傷亾者約二十餘員名東西兩路傷  
亾弁兵約共十餘員名

上以劉榮慶年近七十兩耳重聽勒令休致又以徭匪負嵎  
自固帶兵大員必須素嫻戰陣者始克勝任

命余步雲前往署理廣東提督其湖南提督仍著羅思舉暫行兼署余步雲久歷戎行自能相機勦辦速赴新任會商妥辦先是

欽差尚書禧公將軍瑚公因粵省咨調楚省精兵協剿

奏派新任南韶連總兵阿精阿帶領貴州鎮、寧道標等營兵五百名再令總兵曾勝分兵五百名交叅將興、安泰帶領先赴連州曾總兵辦理逃匪事竣六月初三日帶精兵一千名赴粵築應余提督亦將貴州親兵二百名隨帶前往七月初

四日

平徭逃略

下卷

九

欽差查辦湖南事竣由楚至粵挑選精銳兵勇八百名交副將張必祿管帶隨同前往二十日抵廣東連州與李制軍會商剿撫機宜卽赴軍營察看山勢查閱營伍會同余提督飭弁兵分路先將屢出滋事之各冲徭匪逐加剿洗二十二日卽有大掌嶺大古坳楊公岐各排冲徭匪六七百人由西路前來直撲大拱橋山坡營卡當經派出堵捕之廣東和平營都司馬全督同守備駱炳文等帶領弁兵施放鎗礮抵禦隨後有永靖營守備梁循帶到弁兵一同攻擊傷斃徭匪二十餘人徭匪越山逃逸二十五日總兵曾勝等由蓮花汛進攻

先至大木根冲口見猺匪等在彼藏伏我兵捨上山梁正在  
紫營間有大木根大橋頭六對水崗等四冲猺匪漫山塞嶺  
直撲我營勢甚洶湧曾鎮一面整隊迎敵禧公派撥都司鄧  
宏蔡發全帶兵由大橋頭抄截賊後又派都司陳陞守備官  
忠帶兵由六對冲抄上左邊山梁以斷綿花等冲應援曾鎮  
率副將王錫朋遊擊郭宏升等督兵搶剿賊匪分股抗拒抵  
死不退自午至申鎗礮轟擊震山谷雜時有沅江協兵丁  
何興旺直撲賊匪大隊身被多傷隨有奮勇旗手兵丁十餘  
名相繼撲入賊隊賊匪正在驚怖忽見山後冲内烟火四起

平猿述略

下卷

九

知有官兵在後抄截即時潰散奔逃我兵乘勝進擊曾鎮與  
都司鄧宏陳連陞等合兵兩路截殺先後將大木根大橋頭  
六對水崗四冲賊巢全行燒燬約計剿斃猺匪二百餘人帶  
傷滾岩跌斃者亦復不少我兵受傷不及十人二十七日曾  
鎮率兵逕取上下坪並派都司陳連陞遊擊德年各帶兵勇  
分截六對冲後山猺寨前有石闕深濠山路極爲陡險猺匪  
五六百人由大山梁而來又有數百人從六對冲口兩路下  
撲我兵前隊曾鎮與副將王錫朋遊擊郭宏升督兵進剿並  
飛傳遊擊德年等將兵折回抄擊用連環炮旋打旋進官兵

人人奮勇搶佔賊寨所踞山梁剿斃瑤匪數十人鎗斃百餘人餘匪奔竄禧公等連日仍令各鎮將搜剿滋事各冲余提督營盤駐紮馬鞍山與火燒坪八峒大掌三排緊對比從前紮營處進逼一二十里各排瑤人稍知畏懼屢有瑤目出山乞降然狼子野心不可憑信當飭臬司楊振麟傳諭瑤目必須縛獻首匪呈繳器械真心懼伏方能邀准蓋瑤性反覆無常只知畏威不知懷德我兵安營之處未敢窺伺而零星搶掠村泚仍所不免若不先加痛剿實不足以震攝其心各營官兵雖有一萬一千餘名除派出各路防堵外共戰兵六千

平瑤述略

下卷

十

餘名驍楚精兵止三千名瑤山大小排冲前後毗連此呼彼應非連營逼剿多用登陟躡捷之兵亦難得手不若添調勁旅一舉蕩功乃請添調湖南北精兵二千名湖廣總督盧公又酌調精兵一千八百名令副將福住遊擊富勒賀並選精壯千把十餘員管帶前進瑤匪被官兵剿敗後竄入陽山岐上脚根黃瓜冲等處負固抗拒禧公等探明踪跡八月二十二日派副將張必祿帶領黔楚廣西弁兵由左山梁攻擊陽山岐寨後副將王錫朋等帶領湖南廣東弁兵由右山梁抄截前路余提督與曾鎮帶兵由中路徑進禧公等在後路接

應行至馬頭隘口，擒匪二百人，搖旗呼號，直前相撲。我兵放鎗轟擊，立斃十餘人，賊衆奔退。我兵尾追，將及賊寨，所藏餘匪及奔回。匪衆合聚一處，抵死迎敵。我兵鎗炮並發，賊滾岩落澗，不計其數。擊斃執旗頭目三人，餘由深溝奔逃。當移兵進勦，上脚根黃瓜冲等處，卽有男婦老幼數百人，跪地乞命。聲稱實係逼脅，勉從。惟求討限設法，拏送首匪。禧公瑚將軍傳諭官兵，暫免攻剿。勒限三日內，縛獻首匪二十三、二十五、六、七等日。大掌嶺降，搖帶出陽公岐等處，搖衆赴營呈繳槍械，具結乞降。又據軍察馬箭八崗、火燒坪、油嶺、橫坑及行詳。

平搖述略

下卷

十一

各排，搖日，搖老，並各山冲，千長多人同赴大營呈遞，永不滋事。連環保結各排戶口花名，又據火燒坪、黃瓜冲等處，搖衆擒獻首匪。房大第六盤麻三李成意一等三名，並結稱前飭查拏首匪。惟唐阿牛二、沈燒酒二名未獲，恐已被官兵剿斃。容埃寬限訪查，不敢隱匿。禧公察其情詞，真摯，卽宣諭威德，賞給銀牌花紅，並將縛獻之房大第六盤麻三李成意一，並前獲之鄧三盤大理盤八唐四李一房六等及土匪李安達、李成仲等，卽在軍前正法。梟示各搖衆，環視行刑，并論大小各排冲，俱令薙髮，摘環，永爲。

盛世良犛犛人俱伏地叩頭泣涕改悔飭委員親入犛寨誠諭俾無驚擾隨將大營移出山外各路官兵先行撤回兩廣兵傳令歸伍酌留粵西兵一千名廣東兵二千名分駐連山上一帶交會總兵管帶以資彈壓俟年底春初再察看情形撤回歸伍湖南北官兵未到者飛咨停止

上以粵東犛匪事閱半載未能剿辦禧恩瑚松額甫抵連州一月卽能痛加懲創以振國威各排冲投誠乞命辦理實屬迅速禧恩賞戴三眼花翎本係鎮國將軍封爲不入八分輔國公瑚松額賞戴雙眼花翎並賞給一等輕車都尉世職余平犛述略

下卷

七

步雲前在湖南認真剿辦及調往廣東奮勇出力一切事宜俱臻妥協賞戴雙眼花翎並賞給一等輕車都尉世職曾勝先派帶兵到廣東屢著勞績勇敢可嘉賞加提督銜並賞給雲騎尉世職以示獎勵其在事出力文武員弁查明據實保奏傷亡兵丁照例咨部辦理九月湖廣總督盧公調任兩廣總督是月十四日自衡州起程馳赴連州與禧公瑚將軍將控制犛彝善後諸務熟商妥辦爲久安長治之謨

上謂戡匪雖在一時弭患當謀久遠

聖訓煌煌豈淺識所能窺哉

連州在省會西隅陡壑危巒林木叢雜一水滌洄由南  
統北經陽山出三峽與偵水會流而入于海此山川疆  
界之大略也宋紹興間州人廖姓者出任粵西帶回猺  
僕數人分居山中耕種歷年久遠生齒日繁遂成大八  
排續分二十四小冲迄今散入山麓者皆八排之族也  
其俗每年三月三日名曰賽飯食六月六日名曰賽土  
神十月十日名曰耍歌堂宰猪殺羊男女會食擊鑼鼓  
唱猺歌自行擇配猶是跳月之舊其服飾用青布以五  
色絨刺繡背後綴以古錢謂之斑衣男女蓄髮透鬚俱  
平糶述略

下卷

三

帶大耳環銀項圈成丁者以紅布裹頭髻插白雞翎三  
條婦人用白布摺成三角帽上尖下圓如孝巾樣刀耕  
火耨自食其力游惰者耑行劫掠爲民害康熙四十二  
年調集三省官兵征剿之後設立城池撫綏鎮壓續添  
三十六城汎週環鎮守綦佈星羅自是猺人無敢滋擾  
趙金隴倡亂氣類相同稍有蠢動沿村劫奪自五月二  
十二日之後其勢遂至滋蔓

欽差禧公瑚將軍奉

命來辦粵事不動聲色先痛剿而後納降旬日之間大功戡

定昔王陽明於泅水桶岡諸賊則主剿於田州思恩諸賊則主撫事各有宜不得拘泥成見

聖天子仁育萬物凡在昆蟲草木莫不欲其並生蠢爾猺民豈必草薶而禽獮之力既足以制其死命恩又足以開其生路

聖人亦天而已矣余自羊泉軍務告竣又蒙厚山宮保

奏請隨往連州襄辦善後事宜會同廣東連山廳理猺同知郭際清湖南郴州知州張鴻咸桂陽州知州王元鳳等分赴猺山徧歷西路五大排東路三大排及一百三

平猺述略

下卷

西

十一冲查明丁口填給門牌按戶張掛大排設立猺老猺長小冲設立猺目所見猺人俱淳樸愚蠢經懲創之餘弭首貼耳莫不畏懷猺情極爲安貼地方一律靜謐從此偃武修文長享太平之福矣

平定猪匪述略後序

昔鬼方薄伐克以三年瀘水興師威傳七縱蠻陬彝落  
地既屬於不毛崙戶谿丁人又難於向化雖羈縻之勿  
絕亦叛服之靡常所以玉斧畫河珠崖棄郡馬文淵之  
嬰鑠每歎站鳶趙充國之老成未遑縱騎也永州界接  
三苗古稱百粵民猪揉雜岡嶺迴旋

聖朝撫字同仁招攜以禮凡穿錄之俗烙躡之徒去者青箬  
而裹鹽來者黃崗而輸布腰鑊負耒同茲耕鑿之民就  
日瞻雲幸託旂幟之宇詎意逆匪趙金隴奸回叵測驚  
傲不馴始假術於巫師陰相部勒繼成謀於鬼域遂爾  
披猖蔓恐難圖氣類潛通兩粵波將漸及綿延欲入九  
疑於是宮保廬公奉

平猪述略

序

一

天子威靈申司馬討伐長榆築塞細柳營軍銳頭突髮之夫  
投輦成岳扛鼎翹關之輩浴鐵爲雲然而徑路崎嶇箐  
林深密峯危馬束水險橋懸并竄游魂忽兔起而鶻落  
扳援峻坂若猿引而蝮循迺以深溝固壘之謀爲逼剿  
環攻之計驅而納諸陷阱聚而殲厥鯨鯢屢及窳皇立  
當前疾乘墉已迫猶恃蜂屯走險難踰尚思螳拒瑕叔

平糶述略

序

5.00元

